

**Ո Ր Ո Շ ՈՒ Մ**

ք.Երևան

26.11.2021թ.

Բողոքարկման հանձնաժողովը հետևյալ կազմով՝  
նախագահությամբ՝ Ա.Ղուկասյանի  
մասնակցությամբ անդամներ՝  
Հ.Պետրոսյանի  
Վ.Ենգիբարյանի

Բողոքարկման հանձնաժողովը (այսուհետ նաև՝ Հանձնաժողով) քննության առնելով քրեական մասնագիտացման դատավորների թեկնածուների ցուցակի արտահերթ համալրման նպատակով անցկացվող որակավորման գրավոր քննության արդյունքների դեմ բերված բողոքը,

**Պ Ա Ր Զ Ե Ց**

Բողոքարկվել են քրեական դատավարություն բաժնի 1-ին, 17-րդ, 22-րդ, 27-րդ, 28-րդ, 33-րդ, 39-րդ, քրեական իրավունք բաժնի 15-րդ, 19-րդ հարցերը:

**Քրեական դատավարության բաժին**

**Հարց 1**

Հավակնորդը որպես ճիշտ պատասխան է ընտրել առաջադրվածներից ա/ տարբերակը այն է՝ այն իրավաբանական անձին, որի կապակցությամբ առկա է հիմնավոր ենթադրություն այն մասին, որ դրա գործունեությունն ամբողջությամբ կամ վերաբերելի մասով կառավարվում, վերահսկվում կամ որևէ կերպ փաստացի ուղղորդվում է մեղադրյալի կողմից, և դրա վերաբերյալ այդ տեղեկություններն ուղղակիորեն առնչվում են մեղադրյալին վերագրվող արարքին, մինչդեռ ներկայացվածներից ճիշտ տարբերակը դ-ն է, այն է՝ **դ/ ն՝ <<ա>> և՛ <<գ>> կետերում նշված անձանց, քանի որ այն իր մեջ պարունակում է ամբողջական անձանց շրջանակը, ում վերաբերյալ կարող է նշված միջնորդությունը բավարարվել:**

**Հարց 17**

*Հավակնորդը որպես ճիշտ պատասխան է ընտրել առաջադրվածներից ա/տարբերակը, այն է՝ մեղադրական եզրակացությունը չի համապատասխանում օրենսգրքով սահմանված պահանջներին, մինչդեռ ճիշտ պատասխանն է դ-ն՝ այն է՝ ճիշտ պատասխանը բացակայում է, քանի որ մեղադրական եզրակացությունը դատախազին վերադարձնելու ընթացակարգ ՀՀ քրեական դատավարության օրենսգրքով նախատեսված չէ:*

### **Հարց 22**

*Հավակնորդը որպես ճիշտ պատասխան է ընտրել առաջադրվածներից բ/տարբերակը, այն է՝ այո, քանի որ դատավորը կաշկանդված չէ գործի մինչդատական վարույթում արված եզրահանգումներով, մինչդեռ ճիշտ պատասխանն է դ-ն՝ այն է՝ ոչ, քանի որ դատավորն ունի կանխակալ կարծիք դատական քննության առարկայի (մեղադրանքի) վերաբերյալ, քանի որ տվյալ դեպքում դատավորը դիրքորոշում է հայտնել առաջադրված մեղադրանքի վերաբերյալ:*

### **Հարց 27**

*Հավակնորդը որպես ճիշտ պատասխան է ընտրել առաջադրվածներից ա/տարբերակը, այն է՝ տեղանքի և շենքի զննությունը, մինչդեռ ճիշտ պատասխանն է դ-ն՝ այն է՝ ճիշտ պատասխանը բացակայում է, քանի որ տեղանքի և շենքի զննության վերաբերյալ չի կազմվում առանձին արձանագրություն:*

### **Հարց 28**

*Հավակնորդը որպես ճիշտ պատասխան է ընտրել առաջադրվածներից ա/տարբերակը, այն է՝ եթե դատական քննության ընթացքում հայտնվում է ամբաստանյալը և ներյականում դատարան, մինչդեռ ճիշտ պատասխանն է դ-ն՝ այն է՝ բոլոր պատասխաններն էլ ճիշտ են, քանի որ այն պարունակում է ամբողջական պատասխան:*

### **Հարց 33**

*Հավակնորդը որպես ճիշտ պատասխան նշել է առաջադրվածներից ա/տարբերակը, այն է՝ ոչ, քանի որ տուժողին առաջինը հարցեր տալու իրավունք ունեն մեղադրանքի կողմը ներկայացնող սուբյեկտները:*

*Նկատի ունենալով, որ խնդրի ձևակերպումը հնարավորություն չի տալիս միանշանակ հետևության հանգելու, որ հավակնորդի կողմից տրված պատասխանը սխալ է, ուստի Հանձնաժողովը գտնում է, որ այն պետք է դիտել, որպես ճիշտ պատասխան և Գնահատման հանձնաժողովի կողմից նշանակված 0 միավորը դարձնել 1 միավոր:*

### **Հարց 39**

Հավակնորդը որպես ճիշտ պատասխան է ընտրել առաջադրվածներից դ/ տարբերակը, այն է՝ այո, եթե այդ գույքի վրա կարող է տարածվել բռնագանձում, մինչդեռ ճիշտ պատասխանն է գ-ն՝ այն է՝ այո, եթե կան ապացույցների բավարար համակցություն առ այն, որ մյուս ամուսինը տեղեկացված է եղել, որ համատեղ սեփականությունն ավելացվել է հանցավոր ճանապարհով վաստակած միջոցների հաշվին, սակայն բացառապես այդ ավելացված մասի վրա, այն ամբողջական է և բխում է խնդրի բովանդակությունից:

### **Քրեական իրավունքի բաժին**

#### **Հարց 15**

Հավակնորդը որպես ճիշտ պատասխան նշել է առաջադրվածներից ա/ տարբերակը, այն է՝ շատերի կյանքի համար վտանգավոր եղանակով երկուսից ավելի անձանց սպանություն, մինչդեռ ճիշտ պատասխանն է գ-ն՝ այն է՝ *երկուսից ավելի անձանց սպանություն*, քանի որ այն պարունակում է խնդրում նկարագրված փաստական հանգամանքների ամբողջությունը:

#### **Հարց 19**

Հավակնորդը որպես ճիշտ պատասխան նշել է առաջադրվածներից գ/ տարբերակը, այն է՝ ոչ, քանի որ նոր կատարվածը միջին ծանրության հանցագործություն է, մինչդեռ ճիշտ պատասխանն է դ-ն՝ այն է՝ *ոչ, ռեցիդիվ առկա չէ*, քանի որ Ա-ն նախորդ հանցագործությունը կատարել է անչափահաս տարիքում:

## **Ո Ր Ո Շ Ե Ց**

Թիվ **1991** ծածկագրով աշխատանքի քննության արդյունքների դեմ բերված բողոքը մասնակիորեն բավարարել: Քրեական դատավարության բաժնի 33-րդ հարցերի պատասխանը գնահատել յուրաքանչյուրը 1 միավոր:

ՀԱՆՁՆԱԺՈՂՈՎԻ ՆԱԽԱԳԱՀ՝

\_\_\_\_\_ Ա. ՂՈՒԿԱՍՅԱՆ

ՀԱՆՁՆԱԺՈՂՈՎԻ ԱՆԴԱՄՆԵՐ՝

\_\_\_\_\_ Հ. ՊԵՏՐՈՍՅԱՆ

\_\_\_\_\_ Վ. ԵՆԳԻԲԱՐՅԱՆ